

**Sindikata radnika u zdravstvu u Kantonu Sarajevo
Obala Kulina Bana 1**

Broj: 108/17

Sarajevo, 25.01.2017. godine

ZAPISNIK

sa 10. Vanredne sjednice Glavnog odbora Sindikata radnika u zdravstvu u Kantonu Sarajevo održane 25.01.2017. godine sa početkom u 14,00 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Avdić Emir, Balić Amir, Bešić Samir, Bijedić Lana, Brajković Mario, Bukvić Semra, Čaušević Amir, Delihasanović Kemo, Feta Zarif, Gušić Edis, Habul Mirza, Hrustemović Dženana, Istenić Nermin, Koudeimati M. Bassam, Pekmez Medina Amina, Pepić Feka, Sadiković Senad, Selimić Edo, Tukelija Adnan i Šljivo Anel.

Odsutni članovi Glavnog odbora Sindikata: Niko.

Za sjednicu je predložen sljedeći Dnevni red:

1. Otklanjanje nejasnoća u vezi održavanja Izvještajne Skupštine Sindikata radnika u zdravstvu u Kantonu Sarajevo
2. Razno

Predloženi dnevni red je jednoglasno usvojen.

Prije početka rada po usvojenom Dnevnom redu, Predsjednik Sindikata upoznao je prisutne da je od predstavnika Ministarstva zdravstva KS dobio informaciju da je na prošloj sjednici Vlade KS održanoj 19.01.2017. godine data saglasnost za otpočinjanje pregovora o Granskom kolektivnom ugovoru za Kanton Sarajevo. Nakon što Vlada KS zvanično dostavi Ministarstvu zdravstva KS usvojenu saglasnost za pregovore, ista će nam biti proslijeđena, te ćemo sa predstavnicima Ministarstva zdravstva KS dogovoriti administrativne formalnosti u vezi pregovora.

Ad.1.

Predsjednik Sindikata upoznao je prisutne da nemamo zvanično dostavljeni papir ni od UKCS da Rožajac Suad nije radnik UKCS, niti od OSO UKCS da Rožajac Suad više nije član sindikata, tako da imenovani još uvijek nije razriješen dužnosti predsjednika Skupštine Sindikata, te bi zbog formalnih razloga Izvještajna Skupština Sindikata zakazana za 26.01.2017. godine mogla biti osporena.

Da se to ne bi desilo, na raspolaganju imamo dvije mogućnosti:

Prvo, Statutom Sindikata je propisano da Glavni odbor Sindikata, između dvije skupštine, obavlja poslove iz nadležnosti skupštine, što znači da danas možemo razriješiti Rožajac Suada, predsjednika Skupštine Sindikata i Horozić Bosanka, dopredsjednika Skupštine Sindikata i na Listu kandidata za predsjednika Skupštine Sindikata uvrstiti i Spahović Rahu, koji, shodno Odluci o kriterijima i načinu izbora predsjednika Skupštine Sindikata, nije uvršten na Listu jer je dopredsjednik iz OSO UKCS, te da sutra Izvještajna skupština izabe predsjednika i dopredsjednika Skupštine Sindikata.

Druga mogućnost jeste da se Rožajac Suadu i Horozić Bosanku pošalje dopis sa pozivom da se u roku od 7 (sedam) dana pisano očituju da li će biti na Izvještajnoj Skupštini i voditi je do 4. tačke dnevnog reda, tj. do izbora predsjednika Skupštine Sindikata ili neće. U tom slučaju Izvještajnu Skupštinu Sindikata odlažemo.

U raspravi su učestvovali: Delihasnauović Kemo, Balić Amir, Pekmez Medina Amina, Hrustemović Dženana, Sadiković Senad, Bukvić Semra, Tukelija Adnan, Pepić Feka, Koudeimati M. Bassam, Istenić Nermin, Bešić Samir i Gušić Edis. Nakon okonačne rasprave jednoglasno je donesena

ODLUKA

o odlaganju do daljnjeg Izvještajne Skupštine Sindikata radnika i zdravstvu u KS koja je zakazana za 26.01.2017. godine s tim da će Glavni odbor Sindikata naknadno utvrditi novi termin održavanja Izvještajne Skupštine Sindikata.

Također, Glavni odbor Sindikata je jednoglasno donio

ZAKLJUČAK

Uputiti pisani dopis Rožajac Suadu, predsjedniku Skupštine Sindikata i Horozić Bosanku, dopredsjedniku Skupštine Sindikata sa pozivom da se u roku od 7 (sedam) dana od dana prijema ovog dopisa pisano očituju da li će prisustvovati i rukovoditi radom Izvještajne Skupštine Sindikata ili ne, s napomenom da ukoliko se u ostavljenom roku imenovani ne izjasne, smatraće se da su dali ostavke na funkciju predsjednika, odnosno dopredsjednika Skupštine Sindikata i biće razriješeni tih funkcija, te će se imenovati novi predsjednik i dopredsjednik Skupštine Sindikata.

Nakon isteka navedenog roka za izjašnjenje, održaće se sjednica Glavnog odbora Sindikata na kojoj će se utvrditi novi termin održavanja Izvještajne Skupštine Sindikata i zavisno od izjašnjenja, odnosno neizjašnjenja Rožajac Suada i Horozić Bosanka utvrditi, shodno Statutu Sindikata, ko će rukovoditi radom Izvještajne Skupštine Sindikata do izbora novog predsjednika Skupštine, tj. da li aktuelni predsjednik Skupštine Sindikata ili dopredsjednik Skupštine Sindikata ili će Glavni odbor Sindikata imenovati v.d. predsjednika Skupštine Sindikata.

Na kraju su članovi Glavnog odbora Sindikata obavješteni da će dobiti pisanu obavjest o odgodi Izvještajne Skupštine Sindikata do daljnjeg uz molbu da o tome obavijeste delegate iz svoje osnovne sindikalne organizacije.

Također, članovi Glavnog odbora Sindikata su upoznati da će se, nakon što dobijemo akt o saglasnosti za kolektivne pregovore od Ministarstva zdravstva KS, održati sjednica ovog odbora na kojoj će se imenovati Komisija za pregovore.

Sjednica je završena u 15,15 sati.

Napomena:

Sastavni dio ovog zapisnika je tonski snimak rada 10. Vanredne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić